

ad Leonem, & *Alodius* Concilio Constantinopolitano sub Agapeto & Menna.

OCCA, Occe Notitiæ antiquæ Græcæ. *Alexander* Episcopus Occæ subscripsit Concilio Chalcedonensi act. 16. & Epistolæ Synodali Prouinciæ Cyzicenæ ad Leonem Imperatorem.

BARES eidem Notitiæ, Barea lib. Conciliorum. *Eutybianus* Episcopus Bareæ subscripsit inter Suffraganeos Cyzici Metropolitani act. 16. Concilij Chalcedonensis.

ADRIANOTHERE Cedreno & Notitiæ Græcæ. *Patricius* huius Episcopus subscripsit Concilio Chalcedonensi act. 1. & 16. necnon epistolæ Synodali Prouinciæ Cyzicenæ ad Leonem Imperatorem.

LAMPSACVS Ptol. lib. 5. cap. 2. vulgò *Lampsico* teste Sophiano. *Marcianus* Lampfaci Episcopus dicitur apud Socratem lib. 5. cap. 8. & *Armonius* epistolæ Synodicæ Prouinciæ Cyzicenæ ad Leonem Imperatorem subscripsit.

ABYDVS Ptol. ibid. vulgò *Aueo*, & Turcis *Aidos* teste Leuncl. *Hermias* Abydi Episcopus subscripsit Concilio Chalcedonensi, & epist. Synod. Prouinciæ Cyzicenæ ad Leonem Imperatorem.

DARDANVM Ptol. ibid. vulgò *Dardanello*. *Paulus* Dardanorum Episcopus subscripsit Conc. Ephesino act. 6. & *Petrus* Dardani Concilio Chalcedonensi, necnon dictæ epistolæ Synodali ad Leonem.

ILIVM, quod & Troia Ptol. ibid. Ex eius Episcopis *Orion* subscripsit Concilio Nicæno I. *Theosebius* Chalced. & epistolæ Synodali supradictæ, necnon *Ioannes* Synodo generali V.

TROAS, Anton. in Itiner. vulgò *Carasia* Turcis teste Leunclauio, & Italis *S. Maria* dicitur. *Silvani* huius Episcopi meminit Socrates lib. 7. hist. Eccles. cap. 36. & *Pionius* Troadis Antistes epistolæ Synodicæ ad Leonem subscripsit.

MELITOPOLIS Plinio lib. 5. cap. 32. nunc etiam *Melitopoli* dicitur. *Gemellus* Episcopus Melitopolis subscripsit inter Suffraganeos Cyzicenæ Metropolis act. 16. Conc. Chalced. & *Sotominus* Miletii pro Meliti Episcopus eidem epistolæ Synodali.

ADRIANA Socrati lib. 7. hist. Eccles. cap. ³⁶ qui *Alexandri* Episcopi Adrianos meminit. *David* etiam Adrianæ Helleponti Episcopus subscripsit Conc. Chalced. act. 1. & 16. necnon epistolæ Synodali Prouinciæ Cyzicenæ ad Leonem Imperatorem.

SCEPSIS Scylaci in Peryplo, Scepsium quibusdam Concilijs. *Athanasius* huius Episcopus subscripsit Concilio Ephesino, act. 6. *Philostorgius* Conc. Chalced. act. 16. inter Suffraganeos Cyzicenæ Metropolis, & *Polytenus* Scepsij epistolæ Synod. iam dictæ.

PIONIA Straboni lib. 13. *Ælius* Episcopus Pœoniorum Helleponti subscripsit Concilio Ephesino, & *Sabbas* eidem epistolæ Synodali.

PRÆCONNESVS Insula Ptol. lib. 3. cap. 11. vulgò *Marmora*. *Ioannis* Episcopi Præconnessi meminit Socrates hist. Eccles. lib. 7. cap. 35. & *Aca-cius* Præconnessi legitur inter Suffraganeos Episcopos Metropoleos Cyzici in Conc. Chalcedonensi act. 16.